



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

20-07-2023

Broj: 14-02-04-03639/23
Datum: 19. 07. 2023. godine

15 04 24618

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

Reisa Dž. Čauševića br. 1
71000 SARAJEVO
N/r Elvedin Okerić, predsjedavajući

PREDMET: Odgovor na zastupničku inicijativu zastupnice Mersihe Mehmedagić, dostavlja se;

VEZA: Vaš akt, broj:01-04-24618-59/23 od 03.07.2023.godine

Poštovani,

Kantonalna uprava za inspekcijske poslove Kantona Sarajevo, dana 05.07.2023. godine zaprimila je zastupničku inicijativu zastupnice Mersihe Mehmedagić, broj: 01-4-24618-59/23 od 03.07.2023. godine, koja glasi:

"Poštovani, članova 106. i 213. Poslovnika Skupštine Kantona Sarajevo ("Službene novine Kantona Sarajevo" broj:41/12- Drugi novi prečišćeni tekst 15/13, 47/13, 47/15 i 48/16), upućujem zastupničku inicijativu naslovljenim institucijama da hitno i bez odlaganja postupe po prijavi Nadzornice prirode Zaštićenog pejzaža Bentbaša Kantonalne javne ustanove za zaštićena prirodna područja, kako bi se konačno pristupilo uklanjanju sporne table postavljene u obuhvatu Zaštićenog pejzaža Bentbaša sa natpisom "Dobro došli Grad Istočno Sarajevo Grad 157000 Srba koji su morali napustiti Sarajevo".

Tim povodom, dostavljamo sljedeći odgovor:

Inspektoratu komunalne inspekcije, zaštite prirode, zaštite dobara baštine i inspekcije za sport dostavljen je akt Skupštine Kantona Sarajevo, broj: 01-04-24618/23 od dana 03.07.2023. godine kojim se na nadležno postupanje dostavlja zastupnička inicijativa zastupnice Mersihe Mehmedagić od 03.07.2023. godine, i to na okolnosti postavljene table sa natpisom "Dobro došli u Grad Istočno Sarajevo Grad 157000 Srba koji su morali napustiti Sarajevo" na entitetskoj granici unutar obuhvata ZP "Bentbaša", a što je konstatovano službenom zabilješkom nadzornice prirode, broj: 06-ZP-BT/23 od 30.06.2023 godine. Ovim putem Vas informišemo da je postupajući kantonalni inspektor zaštite prirode Inspektorata komunalne inspekcije, zaštite prirode, zaštite dobara baštine i inspekcije

za sport, dana 06.07.2023. godine zaprimio navedenu zastupničku inicijativu, te je isti dan po službenoj dužnosti u predmetu, broj: UP-1-14-14-19.3-13172/23 izvršio usmjereni inspekcijski nadzor na navedene okolnosti radi utvrđivanja pravilnog činjeničnog stanja. U momentu kontrole postupajući inspektor zaštite prirode i uposlenici Kantonalne javne ustanove za zaštićena prirodna područja Kanton Sarajevo (u daljnjem tekstu: Ustanova) obilaze predmetni lokalitet na kojem je uz magistralnu cestu M5 postavljena predmetna tabla. U toku trajanja nadzora uposlenici predmetne Ustanove informišu postupajućeg inspektora da su provjerom koordinata lokacije na kojoj je postavljena tabla uz pomoć ArcMap 10.5, zaključili da se predmetna tabla nalazi unutar teritorije obuhvata Zaštićenog pejzaža "Bentbaša" i da samim tim predmetni lokalitet teritorijalno pripada Opštini Stari Grad - Sarajevo Federacija Bosne i Hercegovine, o čemu je postupajući inspektor sačinio službenu zabilješku, broj: UP-1-14-14-19.3-13172/23-14/04 od 06.07.2023. godine. Postupajućem inspektoru je u momentu kontrole na uvid predočena službena zabilješka nadzornice prirode, broj: 06-ZP-BT/23 od 30.06.2023. godine koja je sačinjena na okolnosti uočenih aktivnosti postavljanja table na predmetnom lokalitetu, te je na usmeni zahtjev postupajućeg inspektora skenirani primjerak predmetne službene zabilješke, dana 07.07.2023. godine putem emaila dostavljen postupajućem inspektoru.

Ovom prilikom ističemo da do dana 06.07.2023. godine kada je od strane kantonalnog inspektora zaštite prirode izvršen predmetni inspekcijski nadzor, u Kantonalnoj upravi za inspekcijske poslove Kantona Sarajevo nije bio zaprimljen niti jedan akt/prijava (službena zabilješka) nadzornice prirode, suprotno obrazloženju predmetne zastupničke inicijative u kojoj se navodi da je na osnovu prijave nadzornice prirode od strane Kantonalne uprave za inspekcijske poslove Kantona Sarajevo ranije na licu mjesta vršen inspekcijski nadzor na navedene okolnosti.

Predmetni inspekcijski nadzor od 06.07.2023. godine je izvršen na temelju zastupničke inicijative Mersihe Mehmedagić od 03.07.2023. godine, dok je službena zabilješka, broj: 06-ZP-BT/23 od 30.06.2023. godine, koja je sačinjena od strane nadzornice prirode postupajućem inspektoru predočena na licu mjesta, a u Kantonalnoj upravi za inspekcijske poslove Kantona Sarajevo zaprimljena naknadno.

Na osnovu utvrđenih činjenica postupajući kantonalni inspektor zaštite prirode je Opštini Stari Grad - Sarajevo uputio Zahtjev za kontrolu, broj: UP-1-14-14-19.3-13172/23-14/04 od 07.07.2023. godine naslovljen na Službu za imovinsko-pravne, geodetske poslove i katastar i stambene poslove i Službu za opću upravu i inspekcijske poslove, u kojem se zahtjeva da se hitno putem nadležnih opštinskih službi izvrši provjera katastarskih čestica u K.O. BULOZI, lokaliteta na kojem je postavljena predmetna tabla, kako bi se i zvaničnim aktom utvrdilo da li se ista nalazi na teritoriji Opštine Stari Grad - Sarajevo Federacija Bosne i Hercegovine, a kako bi se utvrdilo da li je ista postavljena u skladu sa zakonskim odredbama, te da se Kantonalna uprava za inspekcijske poslove Kanton Sarajevo o ishodu kontrole informiše u što kraćem roku.

Dana, 12.07.2023. godine Inspektorat komunalne inspekcije, zaštite prirode, zaštite dobara baštine i inspekcije za sport Kantonalne uprave je zaprimio akt Policijske uprave Stari Grad, broj: 02/8-1-0-14-3707-2/23 od 11.07.2023. godine u kojem se ovaj Inspektorat informiše da je izvršenom provjerom lokacije na kojoj je postavljena tabla na parceli br. 1374 K.O. "BULOZI" Policijska uprava Stari Grad od strane Opštine Stari Grad obavještena da je utvrđeno da je posjednik predmetne parcele K.O. "BULOZI" 1/1 "Javni i nekategorisani putevi Republička zajednica za puteve" i da se nalazi na području Federacije BiH. Prilog predmetnom aktu je fco. katastarskog plana broj: 06-26-1507/2023-2 od 07.07.2023. godine.

Provjerama i analizama postupajućeg inspektora zaštite prirode utvrđeno je da je tabla postavljena na teritoriji Federacije Bosne i Hercegovina, a kako to tvrde i uposlenici Ustanove u službenoj zabilješci, broj: 06-ZP-BT/23 od 30.06.2023. godine.

Shodno gore navedenom, a u skladu sa odredbama članova 13. i 80. Zakona o cestama Federacije BiH ("Sl. novine Federacije BiH", br. 12/10, 16/10 i 66/13), je nadležno JP CESTE FEDERACIJE BiH, obzirom da je članom 13. Zakona o cestama Federacije BiH propisano da je predmetno Preduzeće nadležno za upravljanje, rekonstrukciju, održavanje i zaštitu magistralnih cesta, a članom 80. istog zakona regulisane su javne ovlasti upravitelja (JP CESTE FEDERACIJE BiH), odnosno donošenje rješenja / odobrenja za postavljanje reklamnih znakova (panoa i natpisa) uz magistralne ceste, a samim tim i za izdavanje rješenja / odobrenja za postavljanje reklamnih znakova (panoa i natpisa) na dijelu magistralne ceste M5 na kojoj je postavljena predmetna tabla. Na osnovu člana 78., stav 4. Zakona o cestama Federacije BiH ("Sl. novine Federacije BiH", br. 12/10, 16/10 i 66/13) donešen je Pravilnik o postavljanju reklamnih znakova na cestama ("Službene novine Federacije BiH", broj: 75/10), koji članom 3., stav 2. kaže "Za postavljanje reklamnih znakova naručilac mora pribaviti odobrenje upravitelja javne ceste uz koju se postavlja reklamni znak". Istim Pravilnikom je članom 10., stav 1. definisano "Ako je reklamni znak postavljen suprotno odobrenju, nadležni organ za ceste će protiv istih podnijeti prijavu nadležnom inspeksijskom tijelu koje će izdati nalog organizacijama koje vrše redovno održavanje javnih cesta da izvrše uklanjanje reklamnog znaka, o trošku vlasnika istog.". Obzirom da je Zakonom o cestama Federacije BiH ("Sl. novine Federacije BiH", br. 12/10, 16/10 i 66/13) propisano da su JP CESTE FEDERACIJE BiH upravitelj magistralnih cesta, a samim tim i magistralne ceste M5, postupajući inspektor zaštite prirode je predmetnom Preduzeću uputio zahtjev, broj: UP-1-04-04-19.3-13172/23-14 od 07.07.2023. godine u kojem se zahtjeva da po hitnom postupku izvrši kontrolu da li je za postavljanje predmetne table pribavljeno odobrenje nadležnog organa u skladu sa zakonskim odredbama, te da se ukoliko se utvrdi da je ista postavljena nelegalno postupi u skladu sa članom 10. Pravilnika o postavljanju reklamnih znakova na cestama ("Službene novine Federacije BiH", broj: 75/10), kako bi se inicirale radnje za uklanjanje predmetne table.

Zakon o cestama Federacije BiH ("Sl. novine Federacije BiH", broj 12/10, 16/10 i 66/13) članom 102., stav 1. definiše da za magistralne ceste poslove inspeksijskog nadzora nad provođenjem ovog Zakona vrši Federalna uprava za inspeksijske poslove. Shodno gore navedenom, obzirom da kantonalni inspektor zaštite prirode nije ovlašten za kontrolu poštivanja odredbi Zakona o cestama Federacije BiH ("Sl. novine Federacije BiH", broj 12/10, 16/10 i 66/13), gore pomenuti akti i saznanja su putem informacije, broj: UP-1-14-14-19.3-13172/23-14/04 od 12.7.2023. godine dostavljeni na znanje i eventualno postupanje Ministarstvu komunalne privrede, infrastrukture, prostornog uređenja, građenja i zaštite okoliša Kanton Sarajevo, Kantonalnoj javnoj ustanovi za zaštićena prirodna područja Kanton Sarajevo, kao i Federalnom saobraćajnom inspektoratu FUIP.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

